

四庫全書

集部

欽定四庫全書

古詩紀卷一百八

明 馮惟訥 撰

陳第一

後主

諱叔寶字元秀宣帝子即位之後荒於酒色不恤政事而盛修宮室刑罰酷濫隋文帝命將南

征兵敗入隋見宥給賜甚厚仁壽四年終於洛陽

樂府

採桑

以下五言

春樓髻梳罷南陌競相隨去後花叢散風來香處移廣

袖承朝日長鬟礙聚枝柯新攀易斷葉嫩摘前萎採繁  
鉤手弱微汗雜粧垂不應歸獨早堪為使君知

日出東南隅行

重輪上瑞暉西北照南威南威年二八開牖敞重闈當  
壚送客去上苑逐春歸髻下珠勝月牕前雲帶衣紅裙  
結未解綠綺自難徽

三婦艷詞十一首

大婦避秋風中婦夜牀空小婦初兩髻含嬌新臉紅得

意非霰日可憐那可同

大婦西北樓中婦南陌頭小婦初粧點回看對月鉤可憐還自覺人看反更羞

大婦主

一作弄

繡機中婦裁春衣小婦新粧冶拂匣動琴

徽長夜理清曲餘嬌且未歸

大婦妬蛾眉中婦逐春時小婦最年少相望捲羅幃羅幃夜寒卷相望人來遲

大婦上高樓中婦蕩蓮舟小婦獨無事撥帳掩嬌羞丈

夫應自解更深難道留

大婦初調箏中婦飲歌聲小婦春粧罷弄月當宵楹季  
子時將意相看不用爭

大婦愛恒偏中婦意常堅小婦獨嬌笑新來華燭前新  
來誠可惑為許得新憐

大婦酌金杯中婦照粧臺小婦偏妖冶下砌折新梅衆  
中何假問人今最後來

大婦怨空閨中婦夜偷啼小婦獨含笑正柱作烏棲河

低帳未掩夜夜畫眉齊

大婦正當壚中婦裁羅襦小婦獨無事淇上待吳姝  
歸花復落欲去却踟躕

大婦年十五中婦當春戶小婦正橫陳含嬌情未吐  
所愁曉漏促不恨燈銷炷

飛來雙白鶴

朔吹已蕭瑟愁雲屢合開玄冬辛苦地白鶴從風催音  
響已清切毛羽復殘摧飛來進闕但為失雙回儻逢

自序  
卷一百八  
噲參德當共銜珠來

采蓮曲

相催暗中起妝前日已光隨宜巧注口薄落點花黃風  
住疑衫密船小畏裾長波文散動檝菱花拂度航低荷  
亂翠影采袖新蓮香歸時會被喚且試入蘭房

昭君怨

圖形漢宮裏遙聘單于庭狼山聚雲暗龍沙飛雪輕笳  
吟度隴咽笛轉出關鳴啼妝寒葉下愁看塞月生只餘

馬上曲猶作別時聲

朱鷺

參差蒲葦齊沈漾若浮綠朱鷺戲蘋藻  
徘徊流澗曲澗曲多巖樹逶迤復斷續  
振振雖以明湯湯今又矚

巫山高

巫山巫峽深峭壁聳春林風巖朝  
蒞落霧嶺晚猿吟雲來足蘂枕  
雨過非感琴仙姬將夜月度影自浮沈

有所思三首

選詩拾遺  
作望遠



蕩子好蘭期留人獨自思落花同淚臉初月似愁眉階  
前看草蔓牕中對網絲不言千里別一作望復是三春時  
杳杳與人期遙遙有所思山川千里間風月兩邊時相  
對春那劇相望景偏遲當由分別久夢來還自疑  
佳人在北燕相望渭橋邊團團落日樹耿耿曙河天愁  
多明月下淚盡鴈行前別心不可寄惟餘琴上絃

雉子斑

四野秋原暗十步啄方前雉聲風處遠翅影雲間連箭

射妖姬笑表值盛明然已足南皮賞復會北宮篇

臨高臺

晚景登高臺迴望春光來霧濃山後暗日落雲傍開煙  
裏看鴻小風來望葉回臨牕已響吹極眺且傾杯

隴頭

隴頭征戍客寒多不識春驚風起嘶馬苦霧雜飛塵投  
錢積石水斂轡交河津四面夕冰合萬里望佳人

隴頭水二首

塞外飛蓬征隴頭流水鳴漠處揚沙暗波中燥葉輕地  
風冰易厚寒深溜轉清登山一回顧幽咽動邊情

高隴多悲風寒聲起夜叢禽飛暗識路鳥轉逐征蓬落  
葉時驚沫移沙屢擁空回頭不見望流水玉門東

折楊柳二首

揚柳動春情倡園妾屢驚入樓含粉色依風雜管聲武  
昌識新種官渡有殘生還將出塞曲仍共

玉臺作  
仍作

胡笳

鳴

長條黃復綠垂絲密且繁  
花落幽人徑步隱將軍屯  
谷暗宵鉦響風高夜笛喧  
聊持暫攀折空足憶中園

關山月二首

秋月上中天迴

一作迴

照關城前暈缺隨  
灰滅光滿應珠

圓帶樹還添桂  
銜峰乍似弦  
復教征戍客  
長怨久連翩  
戍邊歲月久  
恒悲望舒  
耀城遙接暈  
高澗風連影  
搖寒光帶岫  
徙冷色含山  
峭看時使人  
憶為似嬌娥  
照

洛陽道五首

誼譁照邑里遨遊出洛京  
霜枝嫩柳發水塹薄苔生  
停鞭回去影駐軸敞前甍  
臺上經相識城下屢逢迎  
踟躕還借問只重未知名

日光杲杲照耀東京道  
霧帶城樓開啼侵曙色  
早佳麗嬌南陌香氣含  
風好自憐釵上纓不歎  
河邊草

建都開洛汭中地乃城陽  
縱橫肆八達左右闢康莊  
銅溝飛柳絮金谷落花  
光忘情伊水側稅駕河  
橋傍

百尺瞰金埒九衢通玉堂  
柳花塵裏暗槐色露中  
光游

俠幽并客當壚京兆粧向夕風煙晚金羈滿洛陽

青槐夾馳道御水映銅溝遠望凌霄闕遙看井幹樓黃  
金彈俠少朱輪盛徹侯桃花雜渡馬紛披聚陌頭

長安道

建章通未央長樂屬明光大道移甲第甲第玉為堂遊  
蕩新豐裏戲馬渭橋傍當壚晚留客夜夜苦紅粧

梅花落二首

春砌落芳梅飄零上鳳臺拂妝疑粉散逐溜似萍開映

日花光動迎風香氣來佳人早插髻試立且裴徊  
揚柳春樓邊車馬飛塵煙連娉烏孫伎屬客單于氈鴈  
聲不見書蠶絲欲斷弦欲持塞上蓋試立將軍前

紫駱馬二首

嫖姚紫塞歸蹀躞紅塵飛玉珂鳴廣路金絡耀宸輝蓋  
轉時移影香動屢驚衣禁門猶未閉連騎恣相追

一作莫相

違

蹀躞紫駱馬照耀白銀鞍直去黃龍外斜趨玄菟端垂

韃還細柳揚塵歸上蘭紅臉桃花色客別重羞看

雨雪曲

長城飛雪下邊關地籟吟濛濛九天暗霏霏千里深樹  
冷月恒少山霧日偏沈况聽南歸鴈切思胡笳音

劉生

遊俠長安中置驛過新豐擊鐘蒲壁磬鳴弦楊葉弓孟  
公正驚客朱家始賣僮羞作荆卿笑捧劍出遼東

飲馬長城窟行



征馬入他鄉山花此夜光離羣嘶向影因風屢動香月  
色含城暗秋聲雜塞長何以酬天一作君子馬革報疆場

揚叛兒曲

拾遺作隋越  
王京洛行

青春上陽月結伴戲京華龍媒玉珂馬鳳軫繡香車水  
映臨橋樹風吹夾路花日昏歡宴罷相將歸狹斜

舞媚娘三首

樓上多嬌艷當牕併三五爭弄遊春陌相邀開繡戶轉  
態結紅裙含嬌拾翠羽留賓乍拂絃託意時移柱

淇水變新臺春壚當夏開玉面含羞出金鞍排夜來  
春日好一作多風光尋觀向市傍轉身移佩響牽袖起衣  
香

估客樂

三江結儔侶萬里不辭遙恒隨鷁首舫屢逐雞鳴潮

三洲歌

春江聊一望細草遍長洲沙汀時起伏畫舸屢淹留

前有一樽酒行

殿高絲吹滿日落綺羅鮮莫論朝漏促傾卮待夕筵  
自君之出矣六首

自君之出矣霜暉當夜明思君若風影來去不曾停  
自君之出矣房空帷帳輕思君如晝燭懷心不見明  
自君之出矣不分道無情思君若寒草零落故心生  
自君之出矣塵網暗羅帷思君如落日無有暫還時  
自君之出矣綠草遍堦生思君如夜燭垂淚著雞鳴  
自君之出矣愁顏難復覩思君如藥條夜夜只交苦

玉樹後庭花

以下  
七言

隋書樂志曰陳後主於清樂中造黃驪留及玉樹  
後庭花金釵兩髻垂等曲與幸臣等製其歌詞綺  
艷相高極於輕蕩男  
女唱和其音甚哀

麗宇芳林對高閣  
新粧艷質本傾城  
映戶凝嬌乍不進  
出帷含態笑相迎  
妖姬臉似花含露  
玉樹流光照後庭

烏棲曲三首

陌頭新花歷亂生  
葉裏啼鳥送春情  
長安遊俠無數伴  
白馬驪珂路中滿

金鞍向暝欲相連，玉面俱要來帳前。  
含態眼語懸相解，蟹音翠帶羅裙入為解。

合歡襦薰百和香，牀中被織兩鴛鴦。  
烏啼漢沒天應曙，只持懷抱送郎去。

東飛伯勞歌

池側鴛鴦春日鶯，綠珠絳樹相逢迎。  
誰家佳麗過淇上，翠釵綺袖波中漾。  
雕軒繡戶花恒發，珠簾玉砌移明月。  
年時二七猶未笄，轉顧流盼鬢髮低。  
風飛盡落將一作時何

故可惜可憐空擲度

長相思二首

以下  
雜言

長相思久相憶關山征戍何時極望風雲絕音息上林  
書不歸迴文徒自織羞將別後面還似初相識

長相思怨成悲蝶紫草樹連絲庭花飄散飛入帷帷中  
看隻影對鏡斂雙眉兩見同見玉臺  
作望月兩別共春時

古曲

桂鉤影桂枝開紫綺袖逐風迴日明珠色偏亮葉盡衫

香更來

獨酌謠四首

序曰齊人淳于髡善為十酒偶效之作獨酌謠

獨酌謠獨酌且獨謠一酌豈陶暑二酌斷風飈三酌意  
不暢四酌情無聊五酌孟易覆六酌懼欲調七酌累心  
去八酌高志超九酌忘物我十酌忽凌霄凌霄異羽翼  
任致得飄飄寧學世人醉揚波去我遙爾非浮丘伯安

見王子喬

獨酌謠獨酌起中宵中宵照春月初花發春朝春花春  
月正衰徊一尊一弦當夜開聊奏孫登曲仍斟畢卓杯  
羅綺徒紛亂金翠轉遲回中心本如水凝志更同灰道  
遙自可樂世語世情哉

獨酌謠獨酌酒難消獨酌三兩盞弄曲兩三調調弦忽  
未畢忽值出房朝更似遊春苑還如逢麗譙衣香逐嬌  
去眼語送杯嬌餘罇盞復盞自得是逍遙

獨酌謠獨酌一尊酒尊酒傾未酌明月正當牖是牖非



金剛經卷之三  
卷一百八  
圓甕吾樂非擊缶自任物外惟更齊椿菌久卷舒乃一  
致忘情且十斗寧復語綺羅因情卽山藪

詩

同江僕射遊攝山棲霞寺

以下  
五言

時宰礚溪心非關狎竹林鷺嶽青松繞雞峯白日沈天  
迴浮雲細山空明月深摧殘枯樹影零落古藤陰霜村

一作月夜烏去風路

一作  
露

寒猿吟自悲堪出俗詎是欲一作

願  
抽簪

同平南弟元日思歸

至德掩義黃成功邁禹湯儀刑元四海來庭盛萬方鳴  
玉觀升降擊石乃鏗鏘三春氣色早九疑煙霧長浮雲  
斷更續輕花落復香北宮瞻遠岫南服阻遙江爾言想  
伊洛我思屬瀟湘

立春日汎舟玄圃各賦一字六韻成篇

座有張式陸瓊顧野王謝仲褚琢王綏傅緯陸瑜  
姚察等九人上○以下十六首並見歲時雜詠

春光反禁苑暖日暖源桃霄煙近漠漠暗浪遠滔滔石

苔侵綠蘚岸草發青袍迴歌逐轉檝浮冰隨度刀遙看  
柳色嫩迴望鳥飛高自得欣為樂忘意若臨濠

獻歲玄春光風具美汎舟玄圃各賦六韻

座有張式陸瓊顧野王殷  
謀陸琢岑之敬等六人上

寒輕條已翠春初未轉禽野雪明巖曲山花照迴林苔  
色隨水溜樹影帶風沈沙長見水落歌遙覺浦深餘輝  
斜四戶流風颺八音既此留連席道欣放曠心

上巳宴麗暉殿各賦一字十韻

芳景滿闌牕  
暄光生遠阜  
更以登臨趣  
還勝袞襖酒  
日照源上桃  
風搖城外柳  
斷雲仍合霧  
輕霞時映牖  
遠樹帶山高  
嬌鶯含響偶  
一峯遙落日  
數花飛映綬  
度鳥或遛檐  
飄絲屢薄藪  
言志遞為樂  
置觴方薦壽  
文學且迓筵  
羅綺令陳後  
干戈幸勿用  
寧須勞馬首

上巳玄圃宣猷堂禊飲同賦八韻

綺殿三春晚  
玉燭四時平  
藤交近浦暗  
花照遠林明  
百戲堦庭滿  
八音弦調清  
鶯喧襟管韻  
鐘響帶風生  
山高

雲氣積水急溜杯輕簪纓今盛此俊又本多名美才盡  
壯思文彩發雕英樂是西園日歡茲南館情

春色禊辰盡當曲宴各賦十韻

餘春尚芳菲中園飛桃李是時乃季月茲日叶上已既  
有遊伊洛可以祓禊洵得性足為娛高堂聊復擬高堂  
亦有趣圖續此芳軌棲遁稱式驂善政日馴雉蘭桂觀  
往轍簪裾躡前趾啼禽靜或喧花落低還起水霧遙混  
襟山雲遠相似坐客聽一言隨吾祛俗鄙

袂楔汎舟春日玄圃各賦七韻

園林多趣賞袂楔樂還尋春池已渺漫高枝自從森日  
裏絲光動水中花色沈安流淺易榜峭壁迴難臨野鶯  
添管響深岫接鏡音山遠風煙麗苔輕激浪侵置酒來  
英雅嘉賢良所欽

上已玄圃宣猷嘉辰袂酌各賦六韻以次成篇

座有張式陸瓊顧野王  
陸琢岑之敬等五人上

園開替帶合亭迴春芳過鶯度遊絲斷風駛落花多峯

幽來鳥嘯洲橫浪波歌聲初出牖舞影乍侵柯面玉  
同釵玉衣羅異草蘿既悅弦筒暢復歡文酒和

七夕宴宣猷堂各賦一韻詠五物自足為十并

牛女一首五韻物次第用得帳屏風案唾壺

廡

座有陸瓊傳緯陸  
瑜姚察等四人上

錦作明玳牀黼垂光粉壁帶日芙蓉照因吹芳芬拆

織成如績采琉璃畏風擊秦宮得絕超漢座殊斑敵

屏風

已羅七俎滿兼逢百品易張陳答贈言梁室齊眉席案  
蘊仙此還異掌漏翻非役侍臣乃執捧良賓乃投擲  
賢舍觀穴踵瓜田覩躡迹矩步今有儀用此前嘉客

屨壺唾

七夕宴重詠牛女各為五韻

座有劉眘安逵侯方華張式陸瓊顧野王褚玠  
謝仲周袁傅緯陸瑜柳莊王瑳等十三人上

明月照高臺仙駕忽裴徊雷徒聞車度霞上見粧開房  
移看動馬斗轉望斟杯靨色隨星去髻影襍雲來更覺  
今宵短只遽日輪催



同管記陸琛七夕五韻

亭亭秋月明團團夕露輕鳳駕今時度霓騎此宵迎疏  
上采霞動粉外白雲生故嬌隔分別新歡起舊情含笑  
不終夜香風空自停

七夕宴樂脩殿各賦六韻

座有張式陸瓊褚玠王瓊  
傅緯陸瑜姚察七人上

秋初芰荷殿寶帳芙蓉開玉笛隨弦上金鈿逐照迴  
光搖玳瑁柱色輕玫瑰笑靨人前歛衣香動處來非同

七襄駕詎隔一春梅神仙定不及寧用流霞杯

七夕宴玄圃各賦五韻

座有顧野王陸  
琢姚察等四人

殿深炎氣少日落夜風清月小看針暗雲開見縷明絲  
調聽魚出吹響間蟬聲度更銀燭盡陶暑玉卮盈星津  
雖可望詎得似人情

五言同管記陸瑜九日觀馬射

晴朝麗早霜秋景照堂皇  
幹慘風威切荷彫池望荒樓

高看鴈下葉散覺山涼歇霧含空翠新花濕露黃飛禽  
接旆影度日轉鉞光連翻北幽騎馳射西園傍勒移碼  
碯色鞭起珊瑚揚已同過隙遠更異良弓藏且觀千里  
汗仍瞻百步楊非為從逸賞方追塞外羌

五言畫堂良夜履長在節歌管賦詩迺筵命酒

十韻成篇

得沓合答襟納  
颯匝欲拉間

季冬初陽始寒氣尚蕭颯原葉或委低岫雲時吐欲雕  
樹乍踈迴遠峯自重沓雲興四山霾風動萬籟答肅肅

凝霜下峩峩層冰合複殿可以娛於茲多延納迢迢百  
尺觀杳杳三休閣前後訓導屏左右文衛匝進退簪纓  
移縱橫壯思襍幸矣天地泰當無范睢拉

同管記陸瑜七夕四韻

陸瑜王瓊等  
二人上和

河漢言清淺相望限煙霄雲生劒氣沒槎還客宿遙月  
上仍為鏡星連可作橋唯當有今夕一夜不迢迢

初伏七夕已覺微涼既引應徐且命燕趙清風  
朗月以望七襄之駕置酒陳樂各賦四韻之

篇

座有張式陸瓊顧野王  
傅緯陸玠等五人上

廣席多才俊重合引珠妍管絃檐外響羅綺樹中鮮  
舉  
針還向月上儂復依筵度河將闕殿相看併是仙

晚宴文思殿

晚日落餘暉宵困翠蓋飛荷影侵池浪雲色入山扉  
螢  
光息復起暗鳥去翻歸樂極未言醉杯深猶恨稀

宴光璧殿詠遙山燈

照耀浮輝明飄颻落燼輕枝多含樹影煙上帶珮生雜  
桂還如月依柳更疑星園中鶴采麗池上鳧飛驚

三善殿夕望山燈

重岫多風烟華燈此岫邊涸浦如珠露彫樹似花鈿依  
樓雜度月帶石影開蓮既有常滿照羞與曉星連

入隋侍宴應詔

南史曰後主從隋文帝東巡登芒山賦詩

日月光天德山河壯帝居太平無以報願上東封

一作萬年

書

幸玄武湖餞吳興太守任惠

寒雲輕重色秋水去來波待我戎衣定然送大風歌

宴詹事陸繕省

禁闈九重中宴賞三春日雲收上樹隱葉長宮槐密水

綠已浮苔花舒正舍寶闕

聽箏

雜言出  
詩話補遺

文牕玳瑁影嬋娟香帷翡翠出神仙促柱點脣鶯欲語

調弦繫爪鴈相連秦聲本自楊家解吳歎那知謝傅憐  
祇愁芳夜促蘭膏無那煎

附錄

按小說家所載後主煬帝諸詩辭多不類其為後人依託無疑今別附於此以備省覽云爾

隋渠詩

海山記曰隋煬帝夕泛舟北海忽見水上有小舟至乃陳後主也帝起迎之後主曰聞陛下開隋渠引洪河之水東遊維揚因作詩以奏

隋室開茲水初心謀大賒一千里役百萬民吁嗟水  
殿不復返龍舟成小瑕溢流隨陟岸濁浪噴黃沙兩人



迎客至三月柳飛花日脚沈雲外榆梢噪暝鴉如今遊  
子俗異日便天家且樂人間景休尋海上槎人喧舟艤  
岸風細錦帆斜莫言無後利千古壯京華

小牕詩

顏師古隋遺錄曰煬帝昏酒嘗游吳公宅雞臺忽  
與陳後主相遇後主復詩十數篇帝止記小牕及

寄侍兒  
碧玉詩

午醉醒來晚無人夢自驚夕陽如有意偏傍小牕明

寄碧玉詩

離別腸應斷相思骨合銷愁魂若飛散憑仗一相招

戲贈沈后

平陳錄曰沈后者望蔡侯君理女也以張貴妃權寵動經半年不得御陳主當御沈后處暫入即遂謂后曰何不見留贈詩云云后答云云亦見朝野僉載

留人不留人不留人也去此處不留人自有留人處

答後主

附

沈后


誰言不相憶見罷倒

一作便

成羞情知不肯住教道

一作我

若為留



古詩紀卷一百八

欽定四庫全書

集部

古詩紀卷一百九至  
十四

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣李廷讓

欽定四庫全書

古詩紀卷一百九

明 馮惟訥 撰

陳第二

陰鏗

字子堅武威人五歲能誦詩賦日十言尤善五言詩為當時所重仕梁為湘東王法曹行參軍

陳太嘉中為始興王中錄事參軍  
累遷晉陵太守領外散騎常侍卒

新成安樂宮

歷代吟譜曰鏗賦新成安樂宮援筆便就

新宮竇壯哉雲裏望樓臺迢遞翔鴟仰連翩賀燕來重

閣寒霧宿丹井夏

一作夜

蓮開砌石披新錦梁花畫早梅

欲知安樂盛歌管襍塵埃

班婕妤好怨

栢梁新寵盛長信昔恩傾誰謂詩書巧翻為歌舞輕  
花月分牕進苔草共堦生接淚衫前滿單眠一作夢裏驚  
可惜逢秋扇何用合歡名

蜀道難

王尊奉漢朝靈關不憚遙高岷長有雪陰棧屢經燒輪  
摧九折路騎阻七星橋蜀道難如此功名詎可要

和登百花亭懷荆楚

江陵一柱觀潯陽千里潮風煙望似接川路恨成遙落  
花輕未下飛絲斷易飄藤長還依格荷生不避橋陽臺  
可憶處唯有暮將朝

奉送始興王

良守別承明枉道暫逢迎去帆收錦紵

一作纜

歸騎指蘭

城紛糾連山暗潺湲派水清桂晚花方白蓮秋葉始輕  
背飛傷客念臨岐憫聖情分風不得遠何由送上征

廣陵岸送北使

行人引去節送客艤歸艫即是觀濤處仍為郊贈衢汀  
洲浪已息邦江路不紆亭嘶背捩馬檣轉向風鳥海上  
春雲襍天際晚帆孤離舟對零雨別渚望飛鳧定知能  
下淚非但一楊朱

江津送劉光祿不及

依然臨送渚長望倚河津鼓聲隨聽絕帆勢與雲隣泊  
處空餘鳥離亭已散人林寒正下葉釣晚欲收綸如何



相背遠江漢與城闔

和傅郎歲暮還湘洲

蒼茫歲欲晚辛苦客方行  
大江靜猶浪扁舟獨且征  
棠枯絳葉盡蘆凍白花輕  
戍人寒不望沙禽迴未驚  
湘波各深淺空軫念歸情

渡青草湖

洞庭春溜滿平湖錦帆張  
沅水桃花色湘流杜若香  
穴去茅山近江連巫峽長  
帶天澄迥碧映日動浮光  
行舟

逗遠樹度鳥息危檣滔滔不可測一葦詎能航

渡岸橋

畫橋長且曲  
險復憑流寫虹晴  
尚飲圖星晝不收  
跨波連斷岸  
接路上危樓  
欄高荷不及池清影自浮  
何必橫南渡  
方復似牽牛

遊始興道館

紫臺高不極  
清谿千仞餘  
壇邊逢藥鉞  
洞裏閱仙書  
庭舞經乘鶴池  
遊被控魚稍昏  
蕙葉歛欲暝  
槿花疎徒教

斧柯爛會自不凌虛

開善寺

鷺嶺春光遍王城野望通  
登臨情不極蕭散趣無窮  
鶯隨入戶樹花逐下山  
風棟裏歸雲白牕外落暉紅  
古石何年臥枯樹幾春空  
淹留昔未及幽桂在芳叢

罷故章縣

秩滿三秋暮舟虛一水濱  
漫漫遵歸道淒淒對別津  
晨風下散葉岐路起飛塵  
長岑舊知遠萊蕪本自貧  
被裏

恒容吏正朝不繫民惟當有一犢留持贈後人

閒居對雨

四溟飛旦雨三逕絕來遊震位雷聲發離宮電影浮山  
雲遙似帶庭葉近成舟茅簷下亂滴石竇引環流寄言  
一高士如何麥不收

又

蘋藻降靈祇聰明諒在斯觸石朝雲起從星夜月離八  
川奔巨壑萬頃溢澄陂綠野含膏潤青山帶漑枝嘉禾

方合穎秀麥已分歧寄語紛綸學持竿詎必知

行經古墓

偃松將古墓年代理當深  
表柱應堪燭碑書欲有金  
迥墳由路毀荒隧受田侵  
霏霏野霧合昏昏隴日沈  
懸劍今何在風揚空自吟

和樊晉陵傷妾

畫梁朝日盡芳樹落花辭  
忽以千金笑長作九泉悲  
鏡前塵劇粉機上網多絲  
戶餘雙入燕牀有一空  
帷名香

不可得何見返魂時

和侯司空登樓望鄉

懷土臨霞觀思歸想石門瞻雲望鳥道對柳憶家園寒  
田獲裏靜野日燒中昏信美今何益傷心自有源

登武昌岸望

遊人試歷覽舊跡已丘墟巴水縈非字楚山斷類書荒  
城高仞落古柳細條踈煙蕪遂若此當不為能居

晚出新亭

大江一浩蕩離悲足幾重潮落猶如蓋雲昏不作峯遠  
戍唯聞鼓寒山但見松九十方稱半歸途詎有蹤

晚泊五洲

客行逢日暮結纜晚洲中戍樓因嵒

一作嵒

險村路入江

窮水隨雲度黑山帶日歸紅遙憐一柱觀欲輕千里風

詠得神仙

羅浮銀是殿瀛洲玉作堂朝遊雲暫起夕餌菊恒香聊  
持履成燕戲以石為羊洪厓與松子乘羽就周王

遊巴陵空寺

日宮朝絕磬月殿夕無扉  
網交雙樹葉輪斷七燈輝  
香盡奩猶馥帙塵畫漸微  
借問將何見風氣動天衣

秋閨怨

獨眠雖已慣秋來只自愁  
火籠恒煖脚行障鎮牀頭  
眉含黛俱斂啼將粉共流  
誰能無別恨唯守一空樓

南征閨怨

湘水舊言深征客理難尋  
獨愁無處道長悲不自禁  
逢



人憎解佩從來懶聽音唯當有夜鵲南飛似妾心

侯司空宅詠妓

劉剛  
同賦

佳人遍綺席妙曲動鶻弦樓似陽臺上池如洛水邊鶯  
啼歌扇後花落舞衫前翠柳將斜日俱照晚粧鮮

經豐城劒池

清池自湛澹神劒久遷移無復連星氣空餘似月池夾  
篠澄深淥含風結細漪唯有蓮花萼還想匣中雌

西遊咸陽中

阮籍詠懷詩曰西遊  
咸陽中趙李相經過

上林春色滿咸陽遊俠多城斗疑連漢橋星象跨河影  
裏看飛轂塵前聽遠珂還家何意晚無處不經過

觀釣

澄江息晚浪釣侶柁輕舟絲垂遙濺水餌下暗通流歌  
聲時斷續檝影乍橫浮寄言濯纓者滄浪終滯游

詠石

天漢支機罷仙嶺博碁餘零陵舊是燕昆池本學魚雲

移蓮勢出苔駁錦紋疏還當穀城下別自解兵書

侍宴賦得夾池竹

夾池一叢竹垂

一作青

翠不驚寒葉醞宜城酒皮裁

一作治

薛縣冠湘川染別淚衡嶺拂仙壇欲見歲粧色當來免

苑看

一作欲見凌冬  
質當為雪中看

雪裏梅花

春近寒雖轉梅舒雪尚飄從風還共落照日不俱消葉  
開隨足影花多助重條今來漸異昨向晚判勝朝

五洲夜發

夜江霧裏閣新月  
迴中明溜船惟識火  
鷺鳧但聽聲勞  
者時歌榜愁人數問更

詠鶴

休池屢獨舞對影或孤鳴  
乍動軒墀步時轉入林聲

古詩紀卷一百九

欽定四庫全書

古詩紀卷一百十

明 馮惟訥 撰

陳第三

徐陵

字孝穆東海郟人搗之子初為梁晉安王參軍累遷至散騎常侍仕陳歷侍中安右將軍光祿大夫太子少傅南徐州大中正建昌縣開國侯氣局深遠清簡寡欲為一代文宗

樂府

驄馬驅

以下  
五言

白馬號龍駒彫鞍名鏤渠

一作

諸兄二千石小婦字羅

數倚端輕掃史

一作吏

召募擊休屠塞外多風雪中絕

詔書空憶長楸下連蹠復連蹠

中婦織流黃

落花還

一作飛

井上春機當戶前帶衫行陣口覓釧枕檀

一作入壇邊數鑷經無亂新漿緯易牽蜘蛛夜伴織百舌曉

驚眠封用黎陽土書因計吏船欲知夫壻處今督水衡

錢

出自薊北門行

薊北聊長望黃昏心獨愁燕山

一作然

對古刹代郡隱

一作

倚城樓屢戰橋恒斷長冰墜不流天雲如地陣漢月帶  
胡秋漬土泥函谷接繩縛涼州平生燕頷相會自得封  
侯

### 隴頭水

別塗聳千仞離川懸百丈攢荆夏不通積雪冬難上枝  
交隴底暗石礙波前響迴首咸陽中唯言夢時往

### 折揚柳

嫋嫋河堤樹

一作柳

依依魏主營江陵有舊曲洛下作新

聲妾對長楊苑君登高柳城春還應共見蕩子太無

情

關山月二首

關山三五月客子憶秦川思婦高樓上當牕應未眠星  
旗映踈勒雲陣上祁連戰氣今如此從軍復幾年

月出柳城東微雲掩復通蒼茫紫白暈蕭瑟帶長風羌  
兵燒上郡胡騎獵雲中將軍擁節起戰士夜鳴弓



洛陽道二首

綠柳三春暗紅塵百戲多東門向金馬南陌接銅駝華  
軒翼葆吹飛蓋響鳴珂潘郎車欲滿無奈擲花何

洛陽馳道上春日起塵埃濯龍望如霧一作水河橋渡似

雷聞珂知馬蹠傍憶見薨開相看得語密意眼中來

長安道

輦道乘雙闕豪雄被五都橫橋象天漢法駕應坤圖韓  
康賣良藥董偃鬻明珠喧喧擁車騎非但執金吾

梅花落

對戶一株梅新花落故栽燕拾還蓮井風吹上鏡臺娼

家怨

一作愁

思妾樓上獨裴徊啼看竹葉錦簪

一作簪

罷未

能裁

紫騮馬

玉鐙繡纏鬃金鞍錦覆幪風驚塵未起草淺埒猶空角

弓連

一作穿

兩兔珠彈落雙鴻日斜馳逐罷連翩還上東

劉生

劉生殊倜儻任俠遍京華  
戚里驚鳴筑平陽吹怨茄  
俗儒排左氏新室忌漢家  
高才被擯壓自古共憐嗟

烏棲曲二首

七言

卓女紅妝期此夜胡姬沽酒誰論價  
風流荀令好兒郎偏能傅粉復薰香

繡帳羅帷隱燈燭一夜千年猶不足  
唯憎無賴汝南雞天河未落猶爭啼

雜曲

傾城得意已無儔，洞房連閣未消愁。宮中本造鴛鴦殿，  
為誰新起鳳凰樓。綠黛紅顏兩相發，千嬌百念情無歇。  
舞衫迴袖勝春風，歌扇當牕似秋月。碧玉宮妓自翩妍，  
絳樹新聲最可憐。張星舊在天河上，從來張姓本連天。

二八年時不憂度，旁邊得寵誰相

一作應

妬立春曆日自

當新正月春幡底，須故流蘇錦帳挂香囊。織成羅幌隱  
燈光，只

一作紙

應私將琥珀枕，暝暝來上珊瑚牀。

長相思二首

雜言

長相思望歸難傳聞奉詔戍臯蘭  
龍城遠鴈門寒愁來瘦轉劇  
衣帶自然寬念君今不見誰為  
抱腰看

長相思好春節夢裏恒啼悲不洩  
帳中起牕前髻柳絮飛還聚  
遊絲斷彼結欲見洛陽花如君  
隴頭雪

詩

同江詹事登宮城南樓

以下  
五言

元良屬上德率土被中孚漢幄朝無怠  
周門夕復趨桓經既受業賀拜且尊儒  
壯志諧風雅高文會斗樞鏗鏘

叶舞蹈炤爛等琨瑜溝水慙雄伯漳川仰大巫鮑魚寧  
入俎釣鱉匪充厨叔譽恒詞屈防年豈濫誅

走筆戲書應令

此日乍殷勤相嫌不如春今宵花燭淚非是夜迎人舞  
席秋來卷歌筵無數塵曾經新代故那惡故迎新片月  
窺花簾輕寒入錦巾秋來應瘦盡偏自著腰身

春情

風光今旦動雪色故年殘薄夜迎新節當鑪却晚寒奇

故一作香分細霧一作

篆

石炭擣輕紈竹葉裁衣帶梅花奠

酒盤年芳袖裏出春色黛中安欲知迷下蔡先將過上

蘭

奉和詠舞

簡犬有詠舞詩

十五屬平陽因來入建章主家能教舞城中巧畫粧低  
鬟向綺席舉袖拂花黃燭送空迴一作影衫傳篋裏香  
當由好留客故作舞衣長

和簡文帝賽漢高帝廟

聲偶作徐摛詩彙作庾肩吾並誤

山宮類牛首漢寢若龍川玉盃無秋耐金燈滅夜煙丹  
帷迫靈嶽紺席下羣仙堂虛沛筑響釵低戚舞妍何殊  
后廟裏子建作華篇

山齋

桃源驚往客鶴嶠斷來賓復有風雲處蕭條無俗人山  
寒微有雪石路本無塵竹徑蒙籠巧茅齋結構新燒香  
披道記懸鏡厭山神砌水何年溜蒼桐幾度春雲霞一  
已絕寧辨漢將秦



詠柑 藝文初學並作徐陵詩劉孝綽集載此或誤收也

朱實挺江南苞品擅珍淑上林雜嘉樹江潭間脩竹萬  
室擬封侯千株挺荆國綠葉萋以布素榮芬且郁得陳  
終宴歡良垂雲雨育

侍宴

園林才有熱夏淺更勝春嫩竹猶含粉初荷未聚塵承  
恩豫下席應阮獨何人

奉和山池

梁簡文有山池詩

羅浮無定所鬱島屢遷移不覺因風雨何時入後池樓  
臺非一勢臨翫自多竒雲生對戶石猿挂入欄枝

山池應令

畫舸圖仙獸飛艎挂采旂傍人事金漿釣女飾銀鈎細  
萍時帶檝低荷乍入舟猿啼知谷晚蟬咽覺山秋

別毛永嘉

英華作別  
毛尚書

願子厲風規歸來振羽儀嗟余今老病此別空長離白  
馬君來哭黃泉我詎知徒勞脫寶劍空掛隴頭枝

秋日別庾正員

藝文作  
張正見

征途愁轉旆連騎  
慘停鑣朔氣凌疎木  
江風送上潮青  
雀離帆遠朱鷺別路遙  
唯有當秋月夜夜上河橋

新亭送別應令

鳳吹臨伊水時  
駕出河梁野燎村  
田黑江秋岸荻黃  
隔城聞上鼓迴舟  
隱去檣神襟愛一作憂  
遠別流睇極清漳

和王舍人送客未還閨中有望

倡人歌吹罷對鏡  
覽紅顏拭粉留花稱  
除釵作小鬟綺

燈停不滅高扉掩未闕良人在何處光唯見月還

為羊兗州家人答餉鏡

信來贈寶鏡亭亭似團月鏡久自踰明人久情愈歇取  
鏡掛空臺於今莫復開不見孤鸞鳥香覓何處來

詠織婦

織織運玉指脉脉正蛾眉振躡開交縷停梭續斷絲簷  
前初月照洞戶朱帷垂

一作未垂帷

弄機行掩淚彌令織素

遲

內園逐涼

昔有北山北今余

一作來

東海東納涼高樹下直坐落花

中狹徑長無跡茅齋本自空提琴就竹篠酌酒勸梧桐

鬪雞

季子聊為戲陳王欲騁才花冠已衝力芥爪復驚媒鬪  
鳳羞衣錦雙鸞吐鏡臺陳倉若有信為覓寶雞來

詠日華

朝暉爛曲池夕照滿西陂復有當晝景江上鏢光儀時

從高浪歇乍逐細波移一在雕梁上詎比扶桑枝

詠雪

瓊林玄圃葉桂樹日南華豈若天庭瑞輕雪帶風斜三  
農喜盈尺六出儻崇花明朝闕門外應見海神車

春日

岸煙起暮色岸水帶斜暉逕狹橫枝度簾搖驚燕飛落  
花承步履流澗寫行衣何殊九枝葢薄暮洞庭歸

奉和簡文帝山齋

架嶺承金闕飛橋對石梁竹密山齋冷荷開水殿香山

花臨舞席水影照歌牀

闕

徐孝克

陵之弟性至孝能談玄理尤精意佛教宣  
帝時為國子祭酒陳亡入隋授國子博士

仰同令君攝山棲霞寺山房夜坐六韻

戒壇青石路靈相紫金峯影盡皈依鴿餐迎守護龍晨  
朝宣寶偈寒夜斂踈鐘雞蘭靜舍握仁智獨從容五禪  
清慮表七覺蕩心封願言于此處攜手屢相逢

仰和令君

上宰明四空迴車八道中洞涼容麥氣巖光對月宮香  
來詎經火花散不隨風澗松無異聒禪桂兩分叢虛薄  
誠為累何因偶會同暫此乖山北猶可向墻東

古詩紀卷一百十



欽定四庫全書

古詩紀卷一百十一

明 馮惟訥 撰

陳第四

沈炯

字初明吳興武康人約之後有雋才仕梁為吳侯景之亂景將宋子仙據吳興逼令掌書記

及景東奔炯妻子皆為景害元帝立封原鄉侯領尚書左丞魏剋荆州被虜授儀同以母在東求歸陳武帝以為御史中丞文帝立加明威將軍

長安少年行

長安好少年  
驄馬鐵連錢  
陳王裝璜勒  
晉后鑄金鞭  
步

搖如飛燕寶劍

一作劍鈔

似舒蓮去來新市側遨遊大道邊

道邊一老翁顏鬢如衰蓬自言居

一作生

漢世少小見豪

雄五侯俱拜爵七貴各論功建章通北闕復道度南宮

太后居長樂天子出回中玉輦迎飛燕金山賞鄧通一

朝復一日忽見朝市空扶桑無復海崑山倒向東少年

何假問顏齡值福終子孫冥滅盡鄉閭復不同淚盡眼

方暗髀傷耳自聾杖策尋遺老歌嘯詠悲翁遭隨各有

遇非敢訪童蒙

獨酌謠

雜言

獨酌謠獨酌獨長謠智者不我顧愚夫余未要不愚復  
不智誰當余見招所以成獨酌一酌傾一瓢生涯本漫  
漫神理暫超超再酌矜許史三酌傲松喬頻煩四五酌  
不覺凌丹霄倏爾厭五鼎俄然賤九韶彭殤無異塋夷  
跖可同朝龍蠖非不屈鵬鷄但道遙寄語號呶侶無乃  
太塵囂

從駕送軍

金剛經卷之三十一  
卷一百十一  
惟堯稱乃武軒后號神兵弔民資智勇治亂屬師貞我  
君膺寶業歷駕視前英滿海方無浪夷山未有平星光  
下結旆劔氣上舒精雲開萬里徹日麗百川明撫鼓山  
靈應詔蹕水祗驚

望郢州城

菟兮何處返非死復非仙坐柯如昨日石合一作合石未淹

年歷陽頓成浦東海果為田空憶扶風詠誰一作惟見峴

山傳世變才良改時移民物遷悲哉孫騾騎悠悠哭彼

天

長安還至方山愴然自傷

秦軍坑趙卒遂有一人生雖還舊鄉里危心曾未平  
淮源比桐栢方山似削成猶疑屯虜騎尚畏值胡兵  
空村餘拱木廢邑有頽城舊識既已盡新知皆異名  
百年三萬日處處此傷情

離合詩贈江藻

開門枕芳野井上發紅桃  
林中藤蔦秀木末風雲高  
屋

室何寥廓至士隱蓬蒿故知人外賞文酒易陶陶友朋  
足諧晤又此盛詩騷朗月同携手良景共含毫樂巴有  
妙術言是神仙曹百年肆偃仰一理詎相勞

閒居  
有樂

### 建除詩

建章連鳳闕鵲入雲烟除庭發槐柳冠劔似神仙滿  
衢飛玉軟夾道躍金鞭平明塵霧合薄暮風雲騫定交  
太學裏射策雲臺邊執事一朝謬朝市忽崩遷破家徒  
狗國力弱不扶顛危機空履虎擊惡豈如鷓成師鑿門

去敗績覆尸旋收鬼不入斗抱景問穹玄開顏何所說  
空憶平生前閉門窮巷里靜掃詠歸田

六府詩

水廣南山暗杖策出蓬門火炬村前發林煙樹下昏金  
花散黃蓋蕙草襍芳蓀木蘭露漸落山芝風屢翻土高  
行已冒抱甕憶中園穀城定若近當終黃石言

八音詩

金屋貯阿嬌樓閣起迢迢石頭足年少大道跨河橋絲

桐無緩節羅綺自飄飄竹煙生薄晚花色亂春朝匏瓜  
詎無匹神女嫁蘇韶土地多妍冶鄉里足塵囂草年未  
相識聲論動風飈木桃堪底用寄以答瓊瑤

六甲詩

甲拆開衆果萬物具敷榮乙飛上危幕雀乳出空城丙  
魏舊勲業申韓事刑名丁翼陳詩罷公綏作賦成戊巢  
花已秀滿塘草自生己乃忘懷客榮樂尚闌情庚庚聞  
鳥嘯肅肅望鳧征辛酸多憫惻寂寞少逢迎壬蒸懷太



古履妙佇無名癸已空施位詎以召幽貞

十二屬詩

鼠迹生塵案牛羊暮下來虎嘯生

當作生

空谷兔月向牕

開龍隰遠青翠蛇柳近徘徊馬蘭方遠摘羊負始春栽

當作栽

猴栗羞芳果雞跖引清杯狗其懷物外猪蠹宵悠

哉

從遊天中寺應令

福界新開草名僧共下筵楊枝生拱樹錫杖呪飛泉石

座應朝講山龕擬夜禪當非舍衛國賣地取金錢

同庾中庶肩吾周處士弘讓遊明慶寺

鷲嶺三層塔菴園一講堂  
馴烏逐飯磬狎獸繞禪牀  
摘菊山無酒燃松夜有香  
幸得同高勝於此瑩心王

名都一何綺

陸士衡擬古詩云名都一何綺城闕鬱盤桓

名都一何綺春日吐光輝  
高樓雲母扇複殿琉璃扉  
昭儀同輦出高安連騎歸  
欲知天子貴十門應紫微

為我彈鳴琴

為我彈鳴

玉臺作清

琴琴鳴傷我襟半死無人見入竈始知

音空為貞女引誰達楚妃心雍門何假說落淚自淫淫

賦得邊馬有歸心

王瓚詩朔風動秋草邊馬有歸心

窮秋邊馬肥向塞甚思歸連鑣渡蒲海束舌下金微已

卻魚麗陣將摧鶴翼圍彌憶長楸道金鞭

一作鞭

背落暉

詠老馬

昔日從戎陣流汗幾東西一日馳千里三丈拔深泥渡  
水頻傷骨翻霜屢損蹄勿言年齒暮尋途尚不迷

和蔡黃門口字詠絕句

噐噐宮閣路靈靈谷口閣誰知名噐品語哩各崎嶇

孔奐

字休文會稽山陰人初仕梁為尚書儀曹侍郎陳受禪累遷晉陵太守文帝即位徵為御史中

丞歷仕三朝皆以直道至德元年卒

賦得名都一何綺

京洛信名都佳麗擬蓬壺九華彫玳瑁百福上椒塗黃

金絡騷裊蓮花裝鹿盧咸言儀服盛無勝執金吾

孔魚

仕陳為太子舍人隋兵既入太子深年十五閉閣而坐唯伯魚侍立戍士叩閣而入深勞之

和六府

金門朱軌躅吾子盛簪裾木舌無時用萍流復在余水  
鄉訪松石蘭澤侶樵漁火洲方可至地肺即為居士牛  
自知止貞心達毀譽穀稼有時隙乘值望白榆

周弘正

字思行汝南安成人仕梁累遷國子博士侯景亂元帝以為戶部尚書入陳位特進宣帝

時為尚書

右僕射

答林法師

初學作江總題云  
同庾信答林法師

客行七十歲歲暮遠徂征寒雲結不解隴水凍無聲君  
看日近遠為忖長安城

學中早起聽講

聲偶作周  
弘直者非

詰朝叅下座閒步出重闌北堂月稍隱南枝鶴已飛早  
霜垂靄靄初霧上霏霏嚴唱雖罷析高門尚掩扉既傷  
年緒促復嗟心事違平生愛山海宿昔特精微未解輕  
身去唯應下第歸

還草堂尋處士弟

四時易荏苒百齡倏將半故老多零落山僧盡凋散宿  
樹倒為查舊水侵成岸幽尋屬令弟依然歸舊館感物  
自多傷况乃春鶯亂

入武關

以下二首聲  
偶作周弘直

武關設地險遊客好遭迴將軍天上落童子棄繻來揮  
汗成雲雨車馬颺塵埃雞鳴不可信未曉莫先開

和庾肩吾入道館

石橋有舊路靈室儼衆仙  
菊潭溜餘水丹竈起殘煙  
桃花經作實海水屢成田  
逆愁歸舊里追問芥關

看新婚

莫愁年十五來聘子都家  
婿顏如美玉婦色勝桃花  
帶啼疑暮雨含笑似朝霞  
暫却輕紈扇傾城判不賒

名都一何綺

聲偶作  
周弘直

名都宮觀綺金壁藻華璫  
吹臺望鳩鵲舞殿接披香  
繡轂遊丹水彫輦出平陽  
陸離徒照眼何解憂人傷



詠石鯨應詔

石鯨何壯麗獨在天池陰  
鰭類橫海半出似浮深  
吞航本無日吐浪亦難尋  
聖帝遊靈沼能懷躍藻心

詠老敗鬪雞

少壯推雄敵眄視生猜忌  
一隨年月衰推頰落毛駛  
閒觀春光滿東郊草色異  
無復先鳴力空餘擅場意

隴頭送征客

朝霜侵漢草流沙度隴飛  
一聞流水曲行住兩霑衣

詠歌人偏得日照

斜光入丹扇的的最分明欲持照彫拱仍作繞梁聲

詠斑竹掩團扇

齊紈將楚竹從來本相遠將申湘女悲宜並班姬怨

於長安詠鴈

藝文作  
庾信

南思洞庭水北想鴈門關稻梁俱可戀飛去復飛還

周弘讓

弘正之弟始仕不得志隱居茅山晚仕侯景為中書侍郎獲譏于世承聖初為國子祭酒

陳天嘉中  
領太常卿

留贈山中隱士

藝文類聚題  
云無名詩

行行訪名嶽處處必留連  
遂至一巖裏灌木上參天  
忽見茅茨屋曖曖有人煙  
一士開門出一士呼我前  
相看  
不道姓焉知隱與仙

春夜醮五嶽圖文

夜靜瓊筵謐月出杏壇明  
香烟百和吐燈色九微清  
五嶽移龍駕十洲回鳳笙  
目想靈人格心屬羽衣輕  
蕙肴薦神享桂醕達遙誠  
熙然聊自得挹酒念浮生

賦得長笛吐清氣

魏文帝善箏行曰悲弦  
激新聲長笛吐清氣

商聲傳後出龍吟鬱前吐情斷山陽舍氣咽平陽塢胡  
騎爭北歸偏知別鄉苦羈旅情易傷零淚如交雨

立秋

茲辰戒流火商飈早已驚雲天改夏色木葉動秋聲

周弘直

字思方弘讓弟方敦雅厚氣調高於二昆解  
褐梁太學博士為湘東王記室梁元帝授衡

陽長沙內史行湘州府事歷邵陵零陵  
太守陳天嘉中累遷太常卿光祿大夫

賦得荆軻

荆卿欲報燕銜恩，棄百年市中，傾別酒，水上擊離弦。七  
首光凌日，長虹氣燭天。留言與宋意，悲歌非自憐。

陸瓊

字伯玉，吳郡人。幼聰惠，有思理。任陳累官吏部尚書，性謙儉，不自封殖。以母憂去職，哀慕過毀。

辛

關山月

邊城與明月俱在關山頭，焚烽望別壘，擊斗宿危樓。團  
團婕妤扇，纖纖秦女鈎，鄉園誰共此，愁人屢益愁。

梁甫吟

臨淄佳麗地年少

一作少小

習名倡似笑脣朱動非愁眉翠

揚掩抑隨竽轉和柔會瑟張輕扇屢迴指飛塵亟繞梁  
寄言諸葛相此曲作難忘

還臺樂

一作陸機題  
云飲酒樂

蒲萄四時芳醇琉璃千鍾舊賓夜飲舞遲銷燭朝醒弦  
促催人春風秋月恒好驩醉日月言新

長相思

長相思久離別一罷鴛文綺薦絕鴻已去柳堪結室冷  
鏡疑冰庭幽花似雪容貌朝朝改書字看看減

和張湖熟電詩

惟徵動羽惟陰脅陽雨水作沴凝氣為祥

玄圃宴各詠一物得箏

三五併時年二八共來前今逢泗濱樹定減琴中弦鶴  
別霜初緊烏啼月正懸

陸瑜

字幹玉吳郡人瑣之從父弟也仕陳累官太子洗馬中舍人與兄瑛並以才學侍東宮時人比

之二  
應

仙人攬六著篇

曹子建仙人篇仙人  
攬六著對博泰山隅

九仙會歡賞六著且娛神戲谷聞餘地銘山憶舊秦避  
敵情思巧論兵勢重新問取南皮夕還笑拂碁人

東飛伯勞歌

西王青鳥秦女鸞姮娥婺女慣相看誰家玉顏窺上路  
粉色衣香襟風度九重樓檻芙蓉華四隣照鏡菱菱花



新妝年幾纔三五  
隱幔藏羞臨網戶  
然香氣歇不飛烟  
空留可憐年一年

獨酌謠

獨酌謠芳氣饒  
一傾蕩神慮再酌動神飈  
忽逢鳳樓下  
非待鸞弦招  
牕明影乘入人來香  
逆飄杯隨轉態盡釧  
逐畫杯搖桂宮  
非蜀郡當壚也至宵

陸玠

賦得襟言詠粟

貨見珍於有漢木取貴於隆周英肇萌於朱夏實方落  
於素秋委玉盤襍椒糝將象席糝珍羞

古詩紀卷一百十一